

आकाशवाणी

पैहले खास-खास खबरां:-

1. अमरीका दे राष्ट्रपति डोनाल्ड ट्रम्प होरें आखेआ जे जेकर ईरान होर्मुज जल डमरु मध्य थमां जहाजें दे औने-जाने दी इजाजत जारी रखदा ऐ तां ओह अमरीका ते ईरान बशकार प्रस्तावित 2 हफते दे युद्ध विराम आस्तै सहमत न।
2. 2 हफते दे संघर्ष विराम बारे सहमति आहली गल्ल मगरा तेल कीमतें च वैश्विक स्तह पर गिरावट आई ऐ।
3. विदेश मंत्री जयशंकर होर बंगलादेश दे विदेश मंत्री हुंदे कन्नै मलाटी करडन।
4. भारतीय रिजर्व बैंक अज्ज अपनी द्वि-मासिक मौद्रिक नीति दी घोषणा करोग।
5. घरे-मकानें ते शैहरी मामलें दे मंत्री मनोहर लाल होरें यथास्थिति दे आधार पर दिल्ली दी अनधिकृत कालोनिएं गी नियमित करने दी घोषणा कीती ऐ।
6. स्पेन च खेड्ढे जा'रदे ISSF विश्व कप च 10 मिटर एयर पिस्टल मिक्सड टीम मुकाबले च पलक ते मुकेश नै सुन्ने दा तगमा हासिल कीता।

<><><><><><>

Trump –Iran Ceasefire

अमरीका दे राष्ट्रपति डोनाल्ड ट्रम्प होरें आखेआ जे जेकर ईरान होर्मुज जल डमरु मध्य थमां जहाजें दे औने-जाने दी इजाजत जारी रखदा ऐ तां ओह अमरीका ते ईरान बशकार प्रस्तावित 2 हफते दे युद्ध विराम आस्तै सहमत न। ट्रम्प होरें सोशल मीडिया पोस्ट च आखेआ जे दौनें पक्खें गी दपक्खी युद्ध विराम पर सहमत होना लोड्ढदा। ट्रम्प होरें दावा करदे होई आखेआ जे अमरीका अपने सैन्य लक्ष्य हासिल करी चुके दा

ऐ ते संघर्ष सुलझने दे करीब ऐ। एदे थमां पैहले कल रातीं राष्ट्रपति ट्रम्प होरें ईरान दे होर्मुज जल डमरु मध्य समझौते गी पूरा नेंई करने पर ईरानी सभ्यता गी नश्ट करने दी धमकी दिती ही। दुई पेठा ईरान दे विदेशमंत्री सैयद अब्बास अराघची होरें आखेआ जे जेकर ईरान पर हमले बंद करी दिते जंदे न- तां ओह युद्ध विराम आस्तै सहमत ऐ।

<><><><><><>

Oil Prices Down

अमरीकी राष्ट्रपति डोनाल्ड ट्रम्प हुंदे आस्सेआ प्रस्तावित 2 हफ्ते दे संघर्ष विराम आहली घोषणा दे मगरा वैश्विक तेल दिएं कीमतें च गिरावट आई ऐ। कच्चे तेल दी कीमत च फीह वैरल स्हाबै 5 इशारिया 8 फीसद दी कमी आई ऐ- जिसलै कि Traded Oil च 8 इशारिया 5 फीसद दी गिरावट आई ऐ।

<><><><><><>

UN Veto Hormuz

रुस ते चीन नै होर्मुज जल डमरु मध्य गी परतिए खोलने दे सरबंध च संयुक्त राष्ट्र सुरक्षा परिषद दे प्रस्ताव गी वीटो करी दिता ऐ। होर्मुज जल डमरु मध्य इक महत्वपूर्ण समुन्द्री रस्ता ऐ जिसदे थमां होइयै वैश्विक तेल दा 5मां हिस्सा लंघदा ऐ। 15 मुखें दी संयुक्त राष्ट्र सुरक्षा परिषद नै बहरीन आस्सेआ प्रस्तावित प्रस्ताव पर मतदान कीता। एदे पक्ख च 11 वोट-विपक्ष च 2 वोट ते 2 गैर हाजिर रेए। वीटो शक्ति रक्खने आहले स्थायी सदस्य रुस ते चीन आस्सेआ प्रस्ताव दे खिलाफ मतदान करने करी प्रस्ताव पारित नेंई होई सकेआ।

<><><><><><>

MEA Advisory

विदेश मंत्रालय नै ईरान च तेजी कन्नै बदलदी परिस्थितिं दे चलदे सारे भारतीय नागरिकें गी सलाह दिती ऐ जे ओह सुरक्षित थाहरें पर रौहन ते कुसै बी आवा-जाई थमां बचन। मंत्रालय नै इक परामर्श च आखेआ ऐ जे ईरान दे अंदर ते सीमा चौकिं पर कुसै बी चाली दी आवा-जाई तेहरान स्थित भारतीय दूतावास दे कन्नै तालमेल ते दूतावास दे साफ निर्देश हासिल करने दे मगरा गै कीती जाना चाईदी। दूतावास नै भारतीय नागरिकें थमां आधिकारिक अपडेट पर नजर रक्खने दा आग्रह कीता ऐ। दूतावास मोबाईल नम्बर -989128109115/ 9891-28109107

-9891-28109102/ 9899-32179359 दे माध्यम कन्नै सम्पर्क कीता जाई सकदा ऐ।

दूतावास दी ईमेल पता-cons.tehran@mea.gov.in ऐ।

<><><><><><>

Jaishnankar -Rehman

बदेश मंत्री डाक्टर सुब्रह्मण्यम जयशंकर अज्ज दपैहरी नमीं दिल्ली च बंगलादेश दे बदेशमंत्री खलीलुर रहमान हुंदे नै मलीटी करडन। ओह त्रंऊ दिनें दी भारत जातरा पर कल संजा नमीं दिल्ली पुज्जे हे। रहमान हुंदी राश्ट्री सुरक्षा सलाहकार अजीत डोभाल-केन्द्री उद्योग ते बपार मंत्री पीयूष गोयल ते पेट्रोलियम ते कुदरती गैसैं सरबंधी केन्द्री मंत्री हरदीप सिंह पुरी हुंदे कन्नै बी मलाटी करने दी मेद ऐ। ध्यान जोग ऐ जे जंदे

फरवरी महीने बंगलादेश नैशनलिस्ट पार्टी दे नेतृत्व आली सरकार दे सत्ता च औने दे बाद थमां एह कुसै बंगलादेशी राजनेता दी पैहली भारत जातरा ऐ।

<><><><><><>

RBI Policy

भारतीय रिजर्व बैंक अज्ज अपनी द्वीमासिक मौद्रिक नीति दी घोषणा करोग। रिजर्व बैंक दे गवर्नर संजय मलहोत्रा अज्ज बड्डलै 10 बजे माली बरे 2026-27 दी अपनी पैहली समीति आस्सेआ लैते गेदे फैसलें दी जानकारी देगंन। गवर्नर हुंदी अध्यक्षता च कायम 6 सदस्यीय समीति सोमवार थमां ब्याज दरें- मुद्रास्फीति दे नजरिए ते विकास अनदानें जनेह प्रमुख पैहलुएं पर विचार विर्मश करा'रदी ऐ।

<><><><><><>

Delhi Unauthorities Colonies

घरें-मकानें ते शैहरी मामले दे मंत्री मनोहर लाल होरें यथा स्थिति दे आधार पर दिल्ली दी अनधिकृत कालोनियें गी नियमित करने दी घोषणा कीती ऐ। दिल्ली दी मुखमंत्री रेखा गुप्ता होरें नमीं दिल्ली च इक प्रैस कॉफ्रेंस च दस्सेआ जे मौजूदा मकानें गी मान्यता दिती जाग पर भविक्ख च निर्माण कम्म दौरान नगर-निगम दे नियमें दा सख्ती कन्नै पालन करना होग। मनोहर लाल होरें कालोनियें गी नियमित करने दे फैसले कन्नै उत्थुआं दे लोकें गी अपनी सम्पत्ति दा पंजीकरण करोआने लेई आखेआ ऐ।

<><><><><><>

CM- Pakistan

गोआंडी मुख्य पाकिस्तान गी आप्रेशन सिंदूर दा चेता करांदे होई मुखमंत्री उमर अब्दुल्ला होरें आखेआ ऐ जे इस्लामाबाद गी लोडचदा ऐ जे ओह तनोतनी बधाने दे बजाय भारत दे कन्नै रिश्ते सुधारने बकखी ध्यान देऐ- कीजे ईआं करना गै पाकिस्तान दे हितै च होग। उं'दी एह टिप्पणी पाकिस्तान दे रक्षामंत्री खवाजा आसिफ दी उस धमकी दे बाद आई ऐ- जेहदे च ओह कोलकाता पर हमले दी गल्ल आकखा करदा ऐ। इक समारोह दे बकख-बाहरें पत्रकारें कन्नै गल्ल करदे होई मुखमंत्री होरें आखेआ जे नेह ब्यान जमीनी हकीकत गी नज़रंदाज करदे न ते इंदे कन्नै कोई बी रचनात्मक मकसद हासल नैई होंदा। उमर होरें आखेआ जे पाकिस्तान गी एह नैई भुल्लना लोडचदा ऐ जे आप्रेशन सिंदूर अजें खत्म नैई होए दा ते उकसावे आली कुसै बी हरकत दा उयै नतीजा होग जेहड़ा पैहले होआ हा।

<><><><><><>

MoS Kishtwar

केन्द्री मंत्री डाक्टर जीतेन्द्र सिंह होरें आखेआ ऐ जे किश्तवाड़ च चिशौती ज्नेही घटनाएं गी रोकने लेई भारत सरकार बड़ी संजीदगी कन्नै गैही पुट्टा करदी ऐ ते आपदाएं कन्नै निब्वडने दिएं त्यारियें गी तगड़ा बनाने बकखी चेचा ध्यान दिता जा'रदा ऐ। डाक्टर सिंह होरें कल लाई गेदी "दिशा" बैठक दरान एह टिप्पणी कीती- जेहदे च किश्तवाड़ जिले कन्नै सरबंधत महत्वपूर्ण विकास प्रस्तावें दी समीक्षा कीती गई। मंत्री होरें इक स्थाई केन्द्र खडेरनें दिएं योजनाएं दा ऐलान कीता- जेहड़ा भूचाल दी निगरानी आले

सरिस्ते गी तगड़ा बनाग। उ'नें इब्बी आखेआ जे मौसम दी पेशगोई आले इक आटोमेटिक सरिस्ते सनें होर बी केंई हीलें कीता गे न।

<><><><><><>

ISSF

स्पेन दे ग्रेनाडा च राइफल ते पिस्टल निशानेबाज विश्व कप दे 10 मीटर एयर पिस्टल मिक्सड टीम मुकाबले च पलक ते मुकेश नै सुन्ने दा तगमा हासिल कीता। भारतीय जोड़ी नै 4 सौ 87 थमां मते अंक कन्नै नमां विश्व रिकार्ड बनाया।

<><><><><><>

IPL

IPL क्रिकेट च राजस्थान रायल्स ने कल रातीं गुवाही दे बरसापारा स्टेडियम च मुम्बई इंडियन्स गी 27 रन्जें कन्नै हराई दिता। लगातार बरखा करी मैच दी शुरुआत ढाई घंटे चिरें होई ते इसी 11-11 ओवरें दा करी दिता गेआ। पैहले बल्लेबाजी करदे होई राजस्थान नै 3 विकटें पर 150 रन्ज बनाए। यशस्वी जयसवाल ने 32एं गेंदें पर नाबाद 77 रन्ज बनाए ते 15एं बरें दे वैभव सूर्यवंशी ने 14एं गेंदें च 39 रन्जें दी पारी खेड्डी। परते च मुम्बई इंडिन्स ने 9 विकटां मुहाइयै 123 रन्ज बनाए। यशस्वी जयसवाल गी Man of the Match चुनेआ गेआ। IPL दे अज्जै दे मैच च दिल्ली कैपिटल्स दा मुकाबला गुजरात टाईटन्स कन्नै होग।

<><><><><><>

ITBP Water

भारत-तिब्बत सीमा पुलस –ITBP आसेआ आयोजित 25मां अखिल भारती जल खेड्ड कलस्टर अज्ज उत्तराखंड दे टिहरी जिले दे वसाई च शुरु होने जाठ'रदा ऐ। 5एं दिनें दा एह खेड्ड आयोजन इस महीन॥दी 12 तरीक तगर चलोग। ITBP दा Inspector General मनु महाराज होरे दस्सभा ऐ ज॥दसौ भर थमां 19 टीमां कैनोडंग- रोडंग त॥कयाकिंग सनें 52 मुकाबले च हिस्सा लैगंन। राज्य पुलस त॥अद्द-फौजी बले द॥440 शा मत॥ जोआन एद॥ च हिस्सा लैगंन। इंद॥ च 130 महिलां त॥ 130 मर्द शामिल न। इस प्रतिशित राश्ट्री आयोजन दा उदघाटन उत्तराखंड दा मुखमंत्रि पुष्कर सिंह धामी होर करडन। ITBP दा डैक्टर जनरल शत्रुजीत कपूर त॥होर वरिशठ अधिकारी बी उदघाटन समारोह च शामिल होडन।



IMD Weather

मौसम विभाग नै असम त॥मघालय- पच्छिम बंगाल- हिमचाल प्रदक्ष दी किश थाहरे पर भारी बरखा पौन॥दी पक्षागोई कीती ऐ। मौसम विभाग नै दिल्ली- हरियाणा- चंडीगढ़- हिमाचल प्रदक्ष- पंजाब- उत्तर प्रदक्ष- उत्तराखंड- झारखंड- बिहार- छतिसगढ़ त॥ मध्य प्रदक्ष च गरज चमक कन्ने ऐन-गड़ा पौन॥दी बी पक्षागोई कीती ऐ। मौसम विभाग नै असम- मघालय- जम्मू-कश्मीर- लद्दाख- मध्य प्रदक्ष-नागालैंड- मणिपुर- मिजोरम त॥ त्रिपुरा- ओडिशा- पंजाब- उत्तर प्रदक्ष त॥उत्तराखंड च बिजली मिलकन॥ अंधी झक्खड़ झुलन॥दी पक्षागोई कीती ऐ। इय्यै नह हालत आंध्र प्रदक्ष- पूर्वी- राजस्थान- तमिलनाडू- पुदुचैरी-कराईकल त॥तसंगाना च बन॥द॥रौहन॥दी मघ ऐ।

